


碧岩集素本全

188.84
Ko547h



24

25

26

27

28

29

30

31

32

33

34

35

36

37

38

39

40

41

42

43

44

45

46

47

国立国会図書館 請求記号 188.84-Ko547h
タイトル『碧岩集素本1巻』

ガラス使用

188.84Ko547h



碧岩集素本

一 番小云見煙早知是火講牆見角便知是牛舉一明二目機鉢是衲僧衣詩常茶飯至於截斷衆流東湧西波逆順縱橫與奪自在正當息麼時且道是什麼人行履處看取雪竇葛藤了舉梁武帝問達磨大師如何是聖諦第一義磨云廓然無聖帝曰對朕者誰磨云不識帝不契達磨遂渡江至魏帝後舉問志



宗門第一書

碧岩錄



245285



国立国会図書館 請求記号 188.84-Ko547h
タイトル『碧岩集素本1巻』

ガラス使用

公志公云陛下還識此人否帝云不識志
公云此是觀音大士傳佛心印帝悔遂遣
使去請志公云莫道陛下發使去取闔國
人去化亦不同

頌聖諦廓然何當辨的對朕者誰還云
不識因茲暗渡江豈免生荆棘闔國人
追不再來千古萬古空相憶休相憶清
風匝地有何極師顧視左右云這裏還
有祖師麼自云有喚來與老僧洗脚

垂示云說坤峯日月星辰一時黑直饒棒
如兩點喝似雷奔也未當得向上宗乘中
事設使三世諸佛只可自知歷代祖師全
提不起一大藏教詮注不及明眼衲僧自
救不了到這裏作麼生請益道箇佛字
泥帶水道箇禪字滿面慚惶久參上士不
待言之後學初機直須窺取

舉趙州示衆云至道無難唯嫌揀擇總有
語言是揀擇是明白老僧不在明白裏是

汝還護惜也無時有僧問既不在明白裏
護借箇什麼州云我亦不知僧云和尚既
不知爲什麼却道不在明白裏州云問事
即得禮拜了退

至道無難言端語端一有多種二無兩
般天際日上月下檻前山深水寒觸體
識盡喜何立枯木龍吟銷未乾難難揀
擇明白君自看

垂示云一機一境一言一句且圖有人處

好肉上剜瘡成窠成窟大用現前不存軌
則且圖知有向上事蓋天蓋地又摸索不
着恁麼也得恁麼也得太廉纖生恁麼
也不得不恁麼也不得大孤危生不涉二
塗如何即是請試舉者

舉馬大師不安院主問和尚近日尊侯如
何大師云日面佛月面佛

日面佛月面佛五帝三皇是何物二十
年來曾苦辛爲君幾下蒼龍窟相堪述

明眼衲僧莫輕忽

四垂示云青天白日不可更指東劃西時節
因緣亦須應病與藥且道放行好把定好
試舉看

舉德山到瀉山挾褸子於法堂上從東過
西從西過東顧視云無無便出雪竇著語
云勘破了也德山至門首却云也不得草
草便具威儀再入相見僞山坐次德山提
起坐具云和尚瀉山擬取拂子德山便喝

拂袖而出雪竇著語云勘破了也德山背
却法堂著草鞋便行瀉山至晚問首座適
來新到在什麼處首座云當時背却法堂
著草鞋出去也瀉山云此子已後向孤峯
頂上盤結草庵呵佛罵祖去在雪竇著語
云雪上加霜

一勘破二勘破雪上加霜曾嶮墮飛騎
將軍入虜庭再得完全能幾箇急交過
不放過孤峰頂上草裏坐咄

五 垂示云大凡扶豎宗教須是英靈底漢有
殺人不敢眼底手脚方可立地成佛所以
照用同時卷舒齊唱理事不二權實並行
放過一著建立第一義門直下截斷葛藤
後學初機難為湊泊昨日恁麼事不獲已
今日又恁麼罪過彌天若是明眼漢一點
謾他不得其或未然虎口裡橫身不免喪
身失命試舉看
舉雪峰小衆云盡大地撮來如粟米粒大

六 批向面前漆桶不會打鼓曾請看
牛頭沒馬頭回曹溪鏡裏拖塵埃打鼓
看來君不見百花春空爲誰開
舉雷門垂語云十五白已前不問汝十五
白已後道將一句來自代云日白是好日
去却一拈得七上下四維無等匹徐行
踏斷流水聲縱觀寫出飛禽跡草茸之
煙幕々空生巖畔花狼藉彈指堪悲舜
若多莫動著動著三十棒

七 垂示云聲前一句千聖不傳未曾親觀如
隔大千設便向聲前辨得截斷天下人舌
頭亦未是性燥漢所以道天不能蓋地不
能載虛空不能容日月不能照無佛處獨
稱尊始較些子其或未然於一毫頭上透
得放大光明七縱八橫於法自在自由信
手拈來無有不是且道得箇什麼如此奇
特復云大衆會麼從前汗馬無人識只要
重論蓋代以即今事且致雪竇公案又作

麼生看取下文
舉僧問法眼慧超咨和尚如何是佛法眼
云汝是慧超

江國春風吹不起鷓鴣啼在深花裏二
級浪高魚化龍癡人猶岸夜塘水

八 垂示云會則途中受用如龍得水似虎靠
山不會則世諦流布幾羊觸藩守株待兔
有時一句如踞地獅子有時一句如金剛
王寶劍有時一句坐斷天下人舌頭有時

自語集下

七



一句隨波逐浪若也途中受用遇知音別
機宜識休咎相共證明若也世諦流布具
一隻眼可以坐斷十方壁立千仞所以道
大用現前不存軌則有時將一莖草作丈
六金身用有時將丈六金身作一莖草用
且道憑箇什麼道理還委麼試舉者
舉翠岫夏未示衆云一隻以來爲兄弟說
話有表岫眉毛在麼保福云作賊人心虛
長慶云生也雲門云閑

翠岫示徒千古無對閑字相酬失錢遭
罪潦倒保福抑揚難得嘮々翠岫分明
是賊白圭無玷誰辨真假長慶相詰眉
毛生也

〔九〕垂示云明鏡當臺妍醜自辨鑊錮在手殺活
臨時漢去胡來胡來漢去死中得活活中
得死且道到這裏又作麼生若無透閃底
眼轉身處到這裏灼然不奈何且道如何
是透閃底眼轉身處試舉者

舉僧問趙州如何是趙州夕云東門西門

南門北門

句裏呈機劈面來燦迦羅眼絕纖埃東

西南北門相對無限輪鎚擊不開

十

垂示云恁麼恁麼不恁麼不恁麼若論戰

也箇々立在轉處所以道若向上轉去直

得釋迦彌勒文殊普賢千聖萬聖天下宗

師普皆飲氣吞聲若回下轉去醯雞蟻蝶

蠢動含靈一一放天光明一一壁立萬仞

儻或不上不下又作麼生商量有條攀條

無條攀條試舉者

舉睦州問僧近離甚處僧便喝州云老僧

被汝一喝僧又喝州云三喝四喝後作麼

生僧無語州便打云這掠虛頭漢

兩喝與三喝作者知機變若謂驢虎頭

二俱成瞎漢誰瞎漢拈來天下與人看

甲

垂示云佛祖大機全歸掌握人天命脉心

受指呼等閑一句一言驚群動衆一機一

境打鎖敲枷接向上機提向上事且道什
 麼人曾無麼來還有知落處麼試舉看
 舉黃檗示眾云汝等諸人盡是墮酒糟漢
 恁麼行脚何處有今日還知大唐國裏無
 禪師麼時有僧出云只如諸方匡徒領眾
 又作麼生檗云不道無禪只是無師
 凛々孤風不自誇踞居寰海定龍蛇大
 中天子曾輕觸二度親遭弄爪牙
 印垂示云殺人力活人劍乃上古之風規亦

今時之樞要若論殺也不傷一毫若論活
 也喪身失命所以道向上一路千聖不傳
 學者勞形如猿捉影且道既是不傳爲什
 麼却有許多葛藤公案具眼者試說看
 舉僧問洞山如何是佛山云麻二斤
 金烏急玉兔速善應何曾有輕觸展事
 投機見洞山跛驚盲龜入空谷花簇々
 錦簇々南地竹兮北地木因思長慶陸
 大夫解道合笑不合笑



聖示云雲凝大野徧界不藏雪覆蘆花難
分朕迹公處冷如冰雪細處細如米未深深
處佛眼難窺密容處魔外莫測舉一明三
即且止坐斷天下人舌頭作麼坐道且道
是什麼人分上事試舉者

舉僧問巴陵如何是提婆宗巴陵云銀梳
裏盛雪

老新開端的別解道銀梳裏盛雪元十六
箇應自知不知却問天邊月提婆宗提

婆宗赤幡之下起清風

國舉僧問雲門如何是一代時教雲門云對

一說

對一說大孤絕無孔鐵鎚重下楔闍浮
樹下笑呵呵昨夜驪龍拗角折別々節
陽老人得一撇

斷聖示云殺人刀活人劍乃上古之風規是
今時之樞要且道如今那箇是殺人刀活
人劍試舉者

舉僧問雲門不是目前機亦非目前事時
如何門云倒十說

倒十說分十說同死同生爲君談八萬
四千非鳳毛三十三人入虎穴別別擾
擾忽忽水裏月

州垂示云道無橫徑立者孤危法非見聞言
思迴絕若能透過荆棘林解開佛祖縛得
箇穩密田地諸天捧花無路外道潛窺無
門終日行而未嘗行終日說而未嘗說便

可以自由自在展啐啄之機用殺活之劍
直饒恁麼更須知有建化門中一手擡一
手搦猶較此子若是本分事上且得沒交
涉作麼生是本分事試舉看
舉僧問鏡清學人啐請師啄清云還得活
也無僧云若不活遭人怪笑清云也是草
裏漢

古佛有家風對揚遭貶剥子母不相知
是誰同啐啄啄覺猶在殼重遭撲天下

丙 衲僧徒名選

垂示云斬釘截鐵始可為本分宗師避箭
隈刀焉能為通方作者針劄不入處則且
置白浪滔天時如何試舉看

舉僧問香林如何是神師西來意林云坐
久成勞

一箇兩箇千萬箇脫却籠頭卸角馱左
轉右轉隨後來紫胡要打劉鐵磨

丙

舉肅宗皇帝

本界代宗此誤

問忠國師百年後所

須何物國師云與老僧作箇無縫塔帝曰

請師塔樣國師良久云會麼帝云不會國

師云吾有付法弟子耽源却請此事請說

之國師遷化後帝詔耽源問此意如何源

云湘之南潭之北雪竇著語云獨掌不浪

鳴中有黃金充一國雪竇著語云山形挂

杖子無影樹下合向船雪竇著語云海晏

河清瑠璃殿上無知識李寶著語云拈了也

無縫塔見還難澄潭不許蒼龍蟠層落影團團千古萬古與入看

垂示云一塵舉大地收一花開世界起只如塵未舉花未開時如何着眼所以道如斬一絨絲一斬一切斬如深一線絲一深一切深只如今便將葛藤截斷運出自家珍高低普應前後無差各各現成儻或

未然看取下文

舉俱朕和尚凡有所問只整一指

對揚深愛老俱朕宇宙空來更有誰曾

向滄溟下浮木夜濤相共接盲龜

九垂示云堆山積嶽撞牆磕壁佇思停機

一場苦屈或有箇漢出來掀翻大海踢倒須

彌喝散白雲打破虛空直下向一機一境

坐斷天下人舌頭無你近傍處且道從上

來是什麼人曾恁麼試舉看

碧岩集素本

卷一



舉龍牙問翠微如何是祖師西來意微云
與我過禪板來牙過禪板與翠微々接得
便打牙云打即任打要且無祖師西來意
牙又問臨濟如何是祖師西來意濟云與
我過蒲團來牙取蒲團過與臨濟々接得
便打牙云打即任打要且無祖師西來
意

龍牙山裏龍無眼死水何曾振古風禪
板蒲團不能用只應分付與龐公

復拈云這老漢也未得勤繩復成一頓

盧公付了注亦何堪坐倚休將繼祖燈堪

對暮雲歸未谷遠山無限碧層層


北垂示云建法幢立宗旨錦上鋪花脫籠頭

卸角獸太平時節或若辨得格外句舉一

明二其或未然依舊伏聽聽分

舉僧問智明蓮花未出水時如何智明云

蓮花僧云出水後如何明云荷葉



蓮華荷葉報君知出水何如未出時江北

江南問王老孤疑了孤疑也

垂示云大方無外細若隣虛擒縱非他卷

舒在我必欲解粘去縛直須別迹吞聲人

人坐斷要津箇箇壁立千仞且道是什麼

人境界試舉有

舉雪夏峯示衆云南山有一條龍鼻蛇汝等

諸人切須好看長慶云今日堂中大有火

喪身失命僧舉似玄沙玄沙云須是稜兒

三四

始得雖然如此我即不恁麼僧云如尚作
麼生玄沙云用南山作什麼雲門以拄杖
攬向雪峰面前作怕勢

象骨巖高人不到到者須是弄蛇手稜

師備師不奈何喪身失命有多少韶陽

知重撥草南北東西無處討忽然突出

拄杖頭拋對雪峰大張口大張口今同

閃電剔起眉毛還不見如今藏在乳峯

前來者一看方便師高聲喝云看脚

碧岩集素本

一五

24 25 26 27 28 29 30 31 32 33 34 35 36 37 38 39 40 41 42 43 44 45 46 47

国立国会図書館 請求記号 188.84-Ko547h
タイトル『碧岩集素本1巻』

ガラス使用

下

垂示云玉將火試金將石試劍將毛試水
將杖試至於初借門上一言一句一機一
境一出入一換一換要見淺深要覓箇
背且道將什麼試請舉著

舉保福長慶遊山次福以手指云只這裏
便是妙隆頂慶云是則是可惜許雪竇著
語云今日共這漢遊山圖箇什麼復云百
千年後不道無只是少後舉似鏡清云云

若不是孫公便見觸發遍野

妙峯孤頂草離々拈得分明付與誰不
是孫公辨端的觸發著地幾人知

剛

垂示云高高峯頂立魔外莫能知深深海

底行佛眼翻不見直饒眼似流星機如掣


電未免雲龜曳尾到這裏合作麼生試舉著

舉劉鐵磨到瀉山々云老特牛汝來也磨

云來日臺山大會齋和尚還去麼瀉山放

碧岩集素本

卷一



身即麼便出去

曾號鐵馬入軍城勅下傳聞六國浩猶
握金鞭問歸客夜深誰共御街行

垂示云機不離位隨在毒海語不驚群陷
於流俗忽若擊石火裏別縑素閃雷光中
辨殺活可以坐斷十方壁立千仞還知有
恁麼時節麼試舉看

舉蓮華峰庵主拈拄杖示衆云古人到這
裏爲什麼不肯住衆無語自代云爲他途

路不得力復云畢竟如何又自代云柳標
橫擔不顧人直入千峰萬峰去

眼裏塵沙耳裏土千峰萬峰不肯住落
菴流水太茫茫別起眉毛何處去

舉僧問百丈如何是奇特事丈云獨坐大
雄峰僧禮拜丈便打

祖域交馳天馬駒化門舒卷不同途雷
光石火存機變堪笑人來捩匙鬚

垂示云問一答十舉一明二見免放鷹因

風吹火不借肩毛則且置只如入虎穴時
如何試舉者

舉僧問雲門樹凋葉落時如何雲門云體

露金風

問既有宗答亦攸全三句可辨一鏃透

空大野今涼颯颯夕長天今疎雨濛濛

君不見少林久坐未歸客靜依熊耳一

叢及

舉南泉參百丈涅槃和尚文問從上諸聖

還有不為人說底法麼泉云有文云作麼生是
不為人說底法泉云不是心不是佛不是物
丈云說了也泉云某甲只恁麼如尚作麼
生丈云我又不是大善知識爭知有說不
說泉云某甲不會丈云我太煞爲你說了也
祖佛從來不爲人衲僧今古競頭走明
鏡當臺列像殊一一圓南看北斗斗柄
垂無處討拈得鼻孔失却口

基示云魚行水濁鳥飛毛落明辨主賓洞

分經素直似當臺明鏡掌內明珠漢現胡
來聲彰色顯且道為什麼如此試舉者
舉僧問大隋劫火洞然大千俱壞未審這
箇壞不壞隋云壞僧云恁麼則隨他去也
隋云隨他去

劫火光中立問端初僧猶滯兩重関可
憐一句隨他語萬里區々獨往還
舉僧問趙州承聞和尚親見南泉是否州
云鎮州出大蘿蔔頭

鎮州出大蘿蔔天下衲僧取則只知自
古自今爭辨鴛白鳥黑賊々衲僧鼻孔
曾拈得

垂示云動則影現覺則冰生其或不動不
覺不免入野狐窠裏透得徹信得及無絲
毫障礙如龍得水似虎靠山放行也瓦礫
生光把定也真金失色古人公案未免周
遮且道評論什麼邊事試舉者
舉麻谷持錫到章敬達禪床二面振錫下



下阜然而立敬云是是雪竇長老語云錯麻
谷又到南泉遠禪床二匝振錫一下阜然
而立泉云不是不是雪竇者語云錯麻谷
當時云章敬道是和尚為什麼道不是泉
云章敬即是是汝不是此是風力所轉終
成敗壞

此錯彼錯切忌拈却四海浪平百川潮
落古策風高十二門門々有路空蕭索
非蕭索作者好求無病藥

三

三

垂示云十方坐斷千眼頓開下句截流萬
機寢別還有同死同生底麼是成公案打
疊不下古人葛藤試請舉者
舉定上座問臨濟如何是佛法大意濟下
禪床擒住與三掌便托開定佇立傍僧云
定上座何不禮拜定方禮拜忽然大悟
斷際全機繼後蹤持來何必在從容巨
靈標手無多子打破華山千萬重
垂示云東西不辨南北不分從朝至暮從

百字集卷六



暮至朝還道伊時睡麼有時眼似流星還
道伊惺惺麼有時呼南作北且道是
是無心是道人是常人若向箇裏透得始
知落處方知古人恁麼不恁麼且道是什
麼時節試舉看

舉陳操尚書看資福福見來便畫一圓相
操云弟子恁麼來早是不著便何況更畫
一圓相福便掩却方丈門雪竇云陳操只
具一隻眼

團々珠透玉珊々馬載驢馳上鐵船分
付海山無事客釣鱸時下一箇掌雪竇
後云天下衲僧跳不出

舉仰山問僧近離甚處僧云廬山山云曾
遊五老峰麼僧云不曾到山云闍黎不曾
遊山雲門云此語皆爲慈悲之故有落草
之談

出草入草誰解尋訪白雲重々紅日杲
々左顧無瑕右盼已老君不見寒山子

行太早十年歸不得忘却來時道

垂示云定龍蛇分玉石別緇素決猶豫若

不是頂門上有眼肘臂下有符往往當頭

踈過只如今見聞不昧聲色純真且道是

皂是白是曲是直到這裏作麼生辨

舉文殊問無著近離什麼處無著云南方

殊云南方佛法如何住持著云末法比丘

少奉戒律殊云多少衆著云或二百或五

百無著問文殊此間如何住持殊云凡聖同居

龍蛇混雜着云多少衆殊云前三二後三三

千峰般般也如藍誰謂文殊是對談堪

笑清涼多少衆前三二與後三二

舉長沙一日遊山歸至門首首座問和尚

什麼處去來沙云遊山來首座云到什麼

處來沙云始隨芳草去又逐落花回座云

大似春意沙云也勝秋露滴芙蓉雪竇著

語云謝父是話

大地繩纒埃何人眼不開始隨芳草去



又逐落花回，羸鶴翅寒木，狂猿嘯古臺。
長沙無限意。

垂示云：聖道之機，徒勞你思，當空雷聲，掩耳難諧。腦門上捲紅旗，耳背後輪雙劍。若不是眼辨手親，手能備得有般底。低頭你思意根下卜度，殊不知彌縫前見鬼無數。且道不落意根，不抱得失，忽有箇恁麼舉，覺作麼生祇對試舉看。

舉般山垂語云：三界無法何處求心。

三界無法何處求心。白雲爲蓋，流泉作琴。一曲兩曲，無人會。雨過夜塘，秋水深。垂示云：若論漸也，返常合道，開巾裏七縱。八橫若論頓也，不留朕迹。千聖亦摸索不着。儻或不立頓漸，又作麼生快人。一言快馬，一鞭正恁麼時，誰是作者。試舉看。

舉風八在鄧州衙內，上堂云：祖師心印狀似鐵，半之機去即印住。夕即印破，只如不去。不在印，即是不印。即是時有盧陂長老。

出問其甲有鐵牛之機請師不搭印穴云
慣釣鯨鯢澄巨浸却嗟蛙步輾泥沙破竹
思穴喝云長老何不進語破擬議穴打一
拂子穴云還記得話頭麼試舉看破擬開
白穴又打一拂子牧主云佛法與王法下
般穴云見箇什麼道理牧主云當斷不斷
返招其亂穴便下座

擒得廬波路鐵牛三玄未中未輕酬楚
王城畔朝宗水喝下曾令却倒流

九用

垂示云途中受用底似虎靠山世諦流布
底如猿在檻欲知佛性義當觀時節因緣
欲煨百鍊精金須是作家爐鞴且道大用
現前底將什麼試驗

舉僧問雲門如何是清淨法身門云花藥
欄僧云便恁麼去時如何門云金毛獅子
花藥欄莫顛頂皇在秤兮不在盤便恁
麼太無端金毛獅子大家看

垂示云休去歇去鐵樹開花有麼有麼點

24 25 26 27 28 29 30 31 32 33 34 35 36 37 38 39 40 41 42 43 44 45 46 47

兒落節直饒七縱八橫不免穿他鼻孔且道諸說在什麼處試舉者

舉陸巨大夫與南泉語話次陸云肇法師道天地與我同根萬物與我一體也甚奇怪南泉指庭前花召大夫云時人見此一株花如夢相似

聞見覺知非一一山河不在鏡中觀霜天月落夜將半誰共澄潭照影寒

垂示云是非交結處聖亦不能知逆順縱

橫時佛亦不能辨為絕世超倫之士顯逸祥太士之能向冰凌上行劍刃上走直下如麒麟頭角似火裏蓮花宛見趙方始知同道誰是好手者試舉者

舉趙州問投子大死底人却活時如何投子云不許夜行投明須到

活中有眼還同死藥忌何須鑿作冢古佛尚言曾未到不知誰解撒塵沙

垂示云單提獨弄帶水拖泥敲喝俱行銀



山鐵壁擬議則觸躡前見鬼尋思則黑山
下打坐明明杲日麗天颯颯清風而地且
道古人還有諸訛處處麼試舉看

舉龐居士對藥山云命十人禪客相送至
門首居士指空中雪云好雪片片不落別
處時有人全禪各云落在什麼處士打一掌全
云居士也不得草草云汝恁麼稱禪客問
老子未放汝在全云居士作麼生士又打一掌
云眼見如如口說如啞雪竇別云初問處

但握雪團便打

雪團打雪團打龐老機閑沒可把天上
人間不自知眼裏耳裏純蕭灑灑灑純
碧眼胡僧難辨別

垂示云定乾坤句萬世共遵擒虎兇機千
聖莫辨耳下更無纖翳全機隨處齊彰要
明向上甜錘須是作家爐鞴且道從上來
還有恁麼家風也無試舉看

舉僧問洞山寒暑到來如何迴避山云何

不向無寒暑處去僧云如何是無寒暑處
山云寒時寒殺闍黎熱時熱殺闍黎
垂手還同萬仞崖正徧何必在安排
琉璃古殿照明月忍俊韓獪空上階
舉禾山垂語云習學謂之聞純學謂之鄰
過此一二者是爲真過僧出問如何是真過
山云解打鼓又問如何是真諦山云解打
鼓又問即心即佛即不問如何是非心非
佛山云解打鼓又問向上人來時如何接

山云解打鼓

一拽石二般土發機須是千鈞弩象骨
老師曾輓毬爭似禾山解打鼓我君知
莫莽鹵甜者甜兮苦者苦

垂示云要道便道舉世無雙當行即行全
機不讓如擊石火似閃電光疾焰過風奔
流度力拈起向上鉗鎚未免亡鋒結舌放
一線道試舉看

舉僧問趙州萬法歸一一歸何處州云我

碧岩集素本

三十一

在青州作一領布衫重七斤

編辟曾挨老古錐七斤衫重幾人知如

今拋擲西湖裏下載清風付與誰

六四

垂示云一槌便成超凡越聖片言可折去

縛解粘如冰凌上行劔刃上走聲色堆裏

坐聲色頭上行縱橫妙用則且置刹那便

去時如何試舉看

舉鏡清問僧門外是什麼聲僧云雨滴芭

清云衆生顛倒迷已逐物僧云和尚作麼

生清云泊不迷已僧云泊不迷已意旨如

何清云出身猶可易脫體道應難

虛堂雨滴聲作者難酬對若謂曾入流

依前還不會今不會南嶺北山轉秀霈

七四

垂示云天何言哉四時行焉地何言哉萬

物生焉向四時行處可以見體於萬物生

處可以見用且道向什麼處見得衲僧離

却言語動用行住坐卧併却咽喉唇吻還

辨得麼

三十一



国立国会図書館 請求記号 188.84-Ko547h
タイトル『碧岩集素本1巻』

ガラス使用

舉僧問雲門如何是法身門云六不收

一二三四五六碧眼胡僧數不足少林

謾道付神光卷衣又說歸天竺天竺茫

々無處尋夜來却對乳峰宿

舉王大傳入招慶煎茶時朗上座與明招

把鉢朗翻却茶鉢太傳見問上座茶爐下

是什麼朗云棒爐神太傳云既是棒爐神

為什麼翻却茶鉢朗云仕官千日失在二

朝太傳拂袖便去明招云朗上座喫却招

慶飯了却去江外打野樵朗云和尚作麼
生招云非人得其便雪竇實云當時但踏

倒茶爐

來問若成風應機非善巧堪悲獨眼龍

曾未呈牙爪牙爪開生雲雷逆水之波

經幾回


九四

垂示云七穿八穴擡鼓奪旗百出千重瞻

前顧後踞虎頭收虎尾未是作家牛頭沒
馬頭回亦未為奇特且道過量底人來時

直

二七



如何試舉看

舉三聖問雪峰透網金鱗未審以何爲食
峰云待汝出網來向汝道聖云一千五百
人善知識話頭也不識峰云老僧住持事繁
透網金鱗休云湍水搖乾蕩坤振影擺
尾千尺鯨噴洪流飛一聲雷震清嵐起
清嵐起天上人間知幾々

十五 垂示云度越階級超絕方便機々相應句
句相投儻非入大解脫門得大解脫用何

以權衡佛祖龜鑑宗乘且道當機直截逆
順縱橫如何道得出身句試請舉看

舉僧問雲門如何是塵々三昧門云鉢裏
飯桶裏水

鉢裏飯桶裏水多口阿師難下嘴北斗
南星位不殊白浪滔天平地起擬不擬
止不止箇箇無裨長者乎

十五 垂示云纔有是非紛然失心不落階級又
無摸索且道放行即是把住即是到這裡

若有一絲毫解路猶滯言詮尚拘機境盡
是依草附木直饒便到獨脫處未免萬里
望鄉關還搆得麼若未搆得且只理會箇
現成公案試舉看

舉雪峰住庵時有兩僧來禮拜峰見來以
手托庵門放身出云是什麼僧亦云是什
麼峰低頭歸庵僧後到巖頭々問什麼處
來僧云嶺南來頭云曾到雪峰麼僧云曾
到頭云有何言句僧舉前話頭云他道什

麼僧云他無語低頭歸庵頭云噫我當初
悔不向他道末後句若向伊道天下人不
奈雪老何僧至夏末再舉前話請益頭云
何不早問僧云未敢容易頭云雪峰雖與
我同條生不與我同條死要識末後句只
這是

末後句爲君說明暗雙々底時節同條
生也共相知不同條死還殊絕還殊絕
黃頭碧眼須甄別南北東西歸去來夜

深同看千岩雪

二五 舉僧問趙州久響趙州石橋到來只見略
豹洲云汝只見略豹且不見石橋僧云如
何是石橋洲云渡驢渡馬

孤危不立道方高入海還須釣巨鰲
堪笑同時雁溪老解云劈箭亦徒勞

三五 垂示云徧界不藏全機獨露觸途無滯着
著有出身之機句下無私頭頭有殺人之
意且道古人畢竟向什麼處休歇試舉有

舉勇大師與百丈行次見野鴨子飛過大
師云是什麼丈云野鴨子大師云什麼處
去也丈云飛過去也大師遂扭百丈鼻頭
夾作及痛聲大師云何曾飛去

野鴨子知何許馬祖見來相共語話盡
山雲海月情依前不會還飛去欲飛去
却把住道々

四五 垂示云透出生死撥轉機關等閑截鐵斬
釘隨處蓋天蓋地且道是什麼人行履處

一
七

24 25 26 27 28 29 30 31 32 33 34 35 36 37 38 39 40 41 42 43 44 45 46 47

試舉看

舉雲門問僧近離甚處僧云西禪門云西
僧近首有何三哥僧展兩手門打一掌僧
云某甲話在門却展兩手僧無語門便打
虎頭虎尾一時收凜々威風四百州却
問不知何太嶮師云放過一著

垂示云穩密金具當頭取證波流轉物直
下承當向擊石火閃電光中坐斷諸訛於
據虎頭收虎尾壁立千仞則且置放一線

道還有爲人處也無試舉看

舉道吾與漸源至一家用慰源拍棺云生
邪死邪吾云生也不道死也不道源云爲
什麼不道吾云不道不道回至中路源云
和尚快與某甲道若不道打和尚去也吾
云打即任打道即不道源便打後道吾遷
化源到石霜舉似前話霜云生也不道死
也不道源云爲什麼不道霜云不道不道
源於言下有省源一日將鉢子於法堂上

從東過西從西過東霜云作什麼源云覓
先師靈骨霜云洪波浩渺白浪滔天覓什
麼先師靈骨月峯寺靈骨者語云蒼蒼天蒼天源
云正姪者九太原乎云先師靈骨猶在
兕馬有角牛羊無角絕毫絕釐如山如
獄黃金靈骨今猶在白浪滔天何處著
無處著隻履西歸曾失却

六五
垂示云諸佛不曾出世亦無一法與人禪
師不曾西來未嘗以心傳授自是時人不

了向外馳求殊不知自己脚跟下一段大
事因緣千聖亦摸索不着只如今見不見
聞不聞說不說知不知從什麼處得來若
未能洞達且向葛藤窟裏會取試舉看
舉良禪客問欽山下鑿破三關時如何山
云放出關中主看良云恁麼則知過必改
山云更待何時良云好箭放不著所在便
出山云且來闍黎良回首山把不住云下
鑿破三關即且止試與欽山發箭看良擬



議山打七棒云且聽這漢疑三十年

與君放出關中主放箭之徒莫莽函取

箇眼兮耳心龍搭箇耳兮目雙豎可憐

一鏃破二關的的分明箭後路君不見

玄沙有言兮大丈夫先天為心祖

垂示云未透得已前一似銀山鐵壁及乎

透得了自己元來是鐵壁銀山或有人問

且作麼生但向他道若向箇裏覓得一機

看得下境坐斷要津不通凡聖未為分外

苟或未然看取古人樣子

舉僧問趙州至道無難唯嫌揀擇如何是

不揀擇州云天上天下唯我獨尊僧云此

猶是揀擇州云田庫奴什麼亂是揀擇僧

無語

似海之深如山之固蚊蟲弄穴裏猛風


螻蟻撼於鐵柱揀兮擇兮當軒布鼓

舉僧問趙州至道無難唯嫌揀擇是時人

窠窟不州云曾有人問我直得五年分踈

自唐書卷六

三十三



不卡

象主頰呻獅子哮吼無味之談塞斷人
口南北東西鳥飛兔走

垂示云該天括地越聖超凡百草頭上指
出涅槃妙心干戈叢裏點定衲僧命脉且
道承箇什麼人思力便得恁麼試舉看
舉僧問趙州至道無難唯嫌揀擇纔有語
言是揀擇和尚如何為人州云何不引盡
這語僧云某甲只念到這裏州云只道至

道無難唯嫌揀擇

水灑不着風吹不入虎步龍行鬼號神
泣頭長三尺知是誰相對無言獨定立

垂示云諸佛眾生本來無異山河自己寧
有等差爲什麼却渾成兩邊去也若能撥
轉話頭坐斷要津放過即不可若不放過
盡大地不消一捏且作麼生是撥轉話頭
處試舉看

舉靈甫以拄杖示衆云拄杖子化爲龍吞

却乾坤了也山河大地甚亂得來

拄杖子吞乾坤徒說桃花浪奔燒君者

不在祭室擢雲霧曝腮者何必喪膽亡魂

拈了也聞不聞直須灑々落个休更紛紛

紆紆七十二棒且輕恕一百五十難放君師

暮拈拄杖下座大眾一時走散

六

垂示云建法幢立宗旨還他本分宗師定

龍蛇別縮素須是作家知識劍刃上論殺

活棒頭上別機宜則且置且道獨據寰中

事一句作麼生商量試舉看

舉風穴垂語云若止一塵家國興盛不立

一塵家國喪亡雪竇拈拄杖云還有同生

同死底衲僧麼

野老從教不展眉且圖家國立雄基謀


臣猛將今何在萬里清風只自知

六

垂示云以無師智發無作妙用以無緣慈

作不請勝友向一句下有殺有活於一機

甲有縱有擒且道什麼人曾恁麼來試舉看



舉雲門示衆云乾坤之內宇宙之間中有一寶秘在形山拈燈籠向佛殿裏將三門來燈籠上

看以古岸何人把釣竿雲冉冉水漫漫
明月蘆花君自看

垂示云意路不到正好提撕言詮不及宜
急着眼若也電轉星飛便可傾湫倒嶽衆
中莫有辨得底麼試舉看

舉南泉一日東西兩堂爭猫兒南泉見逐

提起云道得即不斬衆無對泉斬猫兒爲
兩段

兩堂俱是杜禪和撥動煙塵不奈何賴
得南泉能舉令一刀兩段任禰頗

舉南泉復舉前話問趙州々使脫草鞋於
頭上戴出南泉云子若在恰救得猫兒

公安圓來問趙州長安城裏任閑遊草
鞋頭戴無人會歸到家山即便休

垂示云無相而形充十虛而方廣無心而

應徧刹海而不煩舉一明三日機鋒兩直
得棒如兩點喝似雷奔也未嘗得向上人
行履在且道作麼生是向上人事試舉
舉外道問佛不問有言不問無言世尊良
父外道讚歎云世尊大慈大悲開我迷雲
令我得入外道去後阿難問佛外道有何
所證而言得入佛云如世良馬見鞭影而行
機輪曾未轉々必兩頭走明鏡忽臨臺
當下分妍酬妍酬分今迷雲開慈門何

處生塵埃因思良馬窺鞭影千里追風
喚得回喚得回嗚指二下

垂示云當機覲面提留虎之機正按傍提
布擒賊之略明合暗合雙放雙收解弄死
蛇還佗作者

舉巖頭問僧什麼處來僧云西京來頭云
黃巢過後還收得劍麼僧云收得巖頭引
頸近前云因僧云師頭落也巖頭呵呵太
笑僧後到雪峰峰問什麼處來僧云巖頭

來峰云有何言句僧舉前話雪峰打三十棒趕出

黃巢過後曾收劍大笑還應作者知三十山藤且輕怒得便宜是落便宜舉梁武帝請傳大士講金剛經大士便於座上揮案一下便下座武帝愕然誌公問陛下還會麼帝云不會誌公云大士講經竟不向雙林寄此身却於梁土惹埃塵當時不得誌公老也是栖栖去國人

垂示云掀天開翻地軸擒虎兒辨龍蛇須是箇活鱗漢始得句句相投機機相應且從上來什麼人合甚麼請舉看舉仰山問三聖汝名什麼聖云慧寂仰山云慧寂是我聖云我名慧然仰山呵呵大笑雙收雙放若爲宗騎虎由來要絕切笑罷不知何處去只應千古動悲風

垂示云無暗味處祖師心印狀似鐵牛之機透荆棘林衲僧家如紅爐上一點雪平

地上七穿八穴期且止不受密寶緣又作摩
生試舉看

舉南泉歸宗麻谷同去禮拜忠國師至中
路南泉於地上畫一圓相云道得即去歸
宗於圓相中坐麻谷便作女人拜泉云係
麼則不去也歸宗云是什麼心行

由基箭射猿遶樹何太虛千箇與萬箇
是誰曾中的相呼相喚歸去來曹溪路
上休登陟復云曹溪路坦平爲什麼休

登陟

軍垂示云快人一言快馬一鞭萬年一念一
念萬年要知直截未舉已前且道未舉已
前作麼生摸索請舉看

舉馮山五峰雲巖同侍止百丈々々問爲
山併却咽喉唇吻作麼生道馮山云却請
和尚道丈云我不辯向汝道恐已後喪我
兒孫

却請和尚道虎頭生角出荒草十洲春

自唐書卷六

四



盡花凋殘珊瑚樹林日杲々

舉百丈復問五峰併却咽喉唇吻作麼生
道峰云和尚也須併却丈云無人處斫額
拏汝

和尚也併却龍蛇陣上看謀略令人畏
憶李將軍萬里天邊飛一鷲

舉百丈又問雲巖併却咽喉唇吻作麼生
道巖云和尚有也未丈云叟我兒孫
和尚有也未金毛獅子不踞地兩六三

々舊路行大雄山下空彈指

垂示云夫說法者無說無示其聽法者無
聞無得說既無說無示爭如不說聽既無
聞無得爭如不聽而無說又無聽却較些
子只如今諸人聽山僧在這裏說作麼生
免得此過且透関眼者試舉看

舉僧問馬大師離四句絕百非請師直指
某甲西來意馬師云我今日勞倦不能爲
汝說問取智藏去僧問智藏云何不問

和尚僧云和尚教來問藏云我今日頭痛
不能爲汝說問取海兄去僧問海兄海云
我到這裏却不會僧舉似馬大師馬師云
藏頭白海頭黑

藏頭白海頭黑明眼衲僧會不得馬駒
踏殺天下人臨濟未是白拈賊離四句
絕百非天上人間唯我知

垂示云鎖鑰橫按鋒前翦斷葛藤窠明鏡
高懸句中引出毗盧印田地穩密處着衣

喫飯神通遊戲處如何湊泊還委麼看
取下文

舉金牛和尚每至齋時自將飯桶於僧堂
前作舞呵呵大笑云菩薩子喫飯來雪竇
云雖然如此金牛不是好心僧問長慶古
人道菩薩子喫飯來意旨如何慶云大似
因齋慶讚

白雲影裏笑呵呵兩手持來付與他若
是金毛獅子子三千里外見諸訛


垂示云靈鋒寶劍常露現前亦能殺人亦
能活人在彼在此同得同失若要提持一
任提持若要平展一任平展且道不落賓
主不拘回互時如何試舉看

舉僧從定州和尚會裏來到烏臼烏臼問
定州法道何似這裏僧云不別白云若不
別更轉彼中去便打僧云棒頭有眼不得
草々打人白云今日打著一箇也又打三
下僧便出去白云屈棒元來有人喫在僧

轉身云手奈杓柄在和尚手裏白云汝若
要山僧回與汝僧近前奪白云手中棒打白
三下白云屈棒々々僧云有人喫在白云
草々打著箇漢僧便禮拜白云和尚却恁
麼去也僧大笑而出白云消得恁麼消得
恁麼

呼即易這即難互換機鋒子細看切石
固來猶可壞滄溟深處立須乾烏臼老
烏臼老幾何般與他杓柄太無端

碧岩集素本



垂示云細如米末冷似冰霜晶瑩乾坤離
明絕暗低低處觀之有餘高々處乎之不
足把住放行總在這裡許還有出身處也
無試舉看

舉丹霞問僧甚處來僧云山下來霞云喫
飯了也未僧云喫飯了霞云將飯來與汝
喫底人還具眼麼僧無語長慶問保福將
飯與人喫報恩有分爲什麼不具眼福云
施者受者俱瞎漢長慶云盡其機來還

成瞎否福云道我瞎得麼

盡機不成瞎按牛頭喫草四七二三諸
祖師寶器持來成過咎々々深無處尋
天上人間同陸沈

垂示云向上轉去可以穿天下人鼻孔似
鶻捉鴛向下轉去自己鼻孔在別人手裏
如龜藏殼箇中忽有箇出來道本來無向
上向下用轉作什麼只向伊道我也知你
向鬼窟裏作活計且道作麼生辨箇細素

碧岩集素本

四十四



良久云有條攀條無條攀例試舉看
舉僧問雲門如何是超佛越祖之談門云
餠餅

超談禪客問偏多縫罅披離見也麼餠
餅墜來猶不住至今天下有諸訛

舉古有十六開士於浴僧時隨列入浴忽
悟水因諸禪德作麼生會他道妙觸宜明
成佛子在也須七穿八穴始得

事柄僧消一箇長連床上展脚跏趺夢

中曾說悟圓通香水洗來驀面唾

垂示云大用現前不存軌則活捉生擒不
勞餘力且道是什麼人曾恁麼來試舉看
舉僧問投子一切聲是佛聲是否投子云
是僧云和尚莫冢沸碗鳴聲投子便打又
問麈言及細語皆歸第一義是否投子云
是僧云喚和尚作一頭驢得麼投子便打
投子投子機輪無阻放一得一回彼同
此可憐無限弄潮人畢竟還落潮中死

忽然活百川倒流開豁々

舉僧問趙州初生孩子還具六識也無趙
州云急水上打毬子僧復問投子急水上
打毬子意如何子云念々不停流
六識無功伸一問作家曾共辨來端茫
茫急水打毬子落處不停誰解看

垂示云擡旗奪鼓千聖莫窮坐斷諸訛萬
機不到不是神通妙用亦非本體如然且
道憑箇什麼得恁麼奇特

舉僧問藥山平田淺草塵鹿成群如何射
得塵中塵山云看箭前僧云放身使倒山云
侍者拖出這死漢僧便走山云弄泥團漢
有什麼限雪竇拈云三步雖活五步須死
塵中塵君看取下一箭走三步五步若
活成群趁虎正眼從來付獵人雪竇高
聲云看箭

垂示云竿頭絲線具眼方知格外之機作
家左辨且道作麼生是竿頭絲線格外之

機試舉者

舉僧問大龍袍身敗壞如何是堅固法身
龍云山花開似錦澗水湛如藍

問會不知答還不會月冷風高古岩寒
檜堪笑路逢蓮道人不將語默對手把白
玉鞭驪珠盡擊碎不擊碎增瑕類國有
憲章二千條罪

舉雲門示眾云古佛與露柱相交是第幾
機自代云南山起雲北山下雨

西八

南山雲北山雨四七三三面相覩新羅
國裏曾上堂大唐國裏未打鼓苦中樂
樂中苦誰道黃金如糞土

垂示云道是是無可是言非非無可非是
非已去得失兩忘淨躰々赤灑々且道面
前背後是箇什麼或有箇衲僧出來道面
前是佛殿二門背後是寢堂方丈且道此
人還具眼也無若辨得此人許你親見古
人來

舉維摩詰問文殊師利何等是菩薩入不
二法門文殊曰如我意者於一切法無言
無說無示無識離諸問答是爲入不二法門於
是文殊師利問維摩詰我等各自說已仁者當
說何等是菩薩入不二法門雪竇云維摩
道什麼復云勘破了也

咄這維摩老悲生空懊惱此疾毗耶離
全身太枯槁七佛祖師來一室且頻掃
請問不二門當時便靠倒不靠倒金毛

獅子無處計

垂示云把定世界不漏纖毫盡大地人口
鋒結舌是衲僧正令頂門放光照破四未
下是衲僧金剛眼睛點鐵成金點金成鐵
忽縱是衲僧拄杖子坐斷天下人舌頭直
得無出氣處倒退三千里是衲僧氣宇且
道總不恁麼時畢竟是箇什麼人試舉看
舉僧到桐峰庵主處便問這裏忽逢大蟲
時又作麼生庵主便作虎聲僧便作怕勢

庵主呵呌大笑僧云這老賊庵主云爭奈
老僧何僧休去雪竇云是則是兩箇惡賊
只解掩取偷鈴

見之不取思之千里好箇斑公爪牙未
備君不見大雄山下忽相逢落生聲光
皆振地大丈夫見也無收虎尾今將虎
鬚

垂示云把定世界不漏絲毫截斷衆流不
存消流開口便錯擬議即差且道作麼生

是透関底眼試道看


舉雲門垂語云人人盡有光明在看時不
見暗昏々作麼生是諸人光明自代云厨
庫三門又云好事不如無

自照列狐明爲君通一線花謝樹無影
看時誰不見見不見倒騎牛兮入佛殿

垂示云明眼漢沒窠臼有時孤峯頂上草
漫々有時鬧市裏頭赤灑々忽若忿怒那
吒現三頭六臂忽若日面月面放普攝慈

七八

八八



光於一塵現一切身為隨類人和泥合水
忽若撥着向上竅佛眼也覩不着設使千
聖出頭來也須倒退三千里還有同得同
證者麼試舉看
舉雲門示衆云藥病相治盡大地是藥那
箇是自己

盡大地是藥古今何太錯開門不造車
通途自寥廓錯从鼻孔透夫亦穿却

垂示云門麼施放日恁麼破一作三入理

深談也須是七穿八穴當機敲點擊碎金
鎖玄關據令而行直得掃蹤滅跡且道誰
在什麼處其頂門眼者請試舉看

舉玄沙示衆云諸方老宿盡道接物利生
忽遇二種病人來作麼生接患盲者拈鏡
豎拂他又不見患聾者語言三昧他又不
聞患啞者教伊說又說不得且作麼生接
若按此人不得佛法無靈驗僧請益雲門
雲門云汝禮拜着僧禮拜起雲門以拄杖

控僧退後門云汝不是患聾門乃云還會麼僧云不會
門云汝不是患啞僧於此有省

盲聾啞啞杏繩機宜天上天下堪笑堪
悲離婁不辨正也師曠豈識玄絲爭如
獨坐虛窓下葉落花開日有時復云還
會也無無孔鐵鎚

垂示云通身是眼見不到通身是耳聞不
及通身是口說不着通身是心證不出通

身即且止忽若無眼作麼生見無耳作麼
生聞無口作麼生說無心作麼生證若向
箇裏檢轉得一線道便與古佛同裏參則且
止且道參箇什麼人


舉雲巖問道五天悲菩薩用許多手眼作
什麼吾曰云如入夜半背手摸枕了巖云我
會也吾曰云汝作麼生會巖云徧身是手眼
吾曰云道即太煞道只道得八成巖云師兄
作麼生吾曰云通身是手眼

徧身是通身是拈來猶較十萬里跋翅
鵬騰六合雲搏風鼓蕩四溟水是何埃
堪兮忽生那箇毫釐今未止君不見網
珠垂範影重々棒頭手眼從何起咄
垂示云聲前一句千聖不傳面前一絲長
時無間淨裸々赤灑々頭鬢蓬鬆耳卓朔目
道作麼生試舉看

一片虛凝縮謂情人天從此見空生蚌
合玄兔屎々意曾與禪家作戰爭
垂示云超情離見去縛解粘提起向上宗
秉扶豎正法眼藏也須十方齊應八面玲
龍直到恁麼田地且道還有同得同證同
死同生底麼試舉看
舉鹽官一白喚侍者與我將犀牛扇子來
侍者云扇子破也官云扇子既破還我犀
牛兒來侍者無對投子云不難將出恐頭

碧岩集素本

五十二



角不全雪竇拈云我要不全底頭角石霜
云若還和尚即無也雪竇拈云犀牛兒猶
在資福畫一圓相於中書一牛字雪竇拈
云適來爲什麼不將出保福云和尚年尊
別請入好雪竇拈云可惜勞而無功
犀牛扇子角多時問著元來終不知無
限清風與頭角盡同雲雨去難追雪竇
復云若要清風再復頭角重生請禪客
各下一轉語問云扇子既破還我犀牛

兒來時有僧出云大衆參堂去雪竇喝云
拗鉤釣鯤鯨釣得箇蝦蟆使下座

垂示云動絃別曲千載難逢見兔放鷹一
時取後總一切語言爲一句攝入下沙界
爲一塵同死同生七芽八竅還有證據者
麼試舉看

舉世尊一白陞座文殊白槌云諦觀法王
法法王法如是世尊便下座

列聖叢中作者知法王法令不如斯會

中若有仙陀客何必文殊下一槌
舉僧問大光長慶道因齋慶讚意肯如何
大光作舞僧禮拜光云見箇什麼使禮拜
僧作舞光云這野狐精

前箭猶輕後箭深誰云黃葉是黃金曹
溪波浪如相似無限平人被陸沈

垂示云聲前一句千聖不傳面前一絲長
時無間淨躡赤灑露地白牛眼卓胡
耳卓胡金毛獅子則且置且道作麼生是

露地白牛

舉楞嚴經云吾不見時何不見吾吾不見之
處若見不見自然非彼不見之相若不見
吾不見之地自然非物云何非汝

全象全牛醫不殊從來作者共名模如
今要見黃頭老刹刹塵塵在半途

垂示云有佛處不得住住着頭角生無佛
處急走過不走過草深一丈直饒淨躡
赤灑事外無機機外無事未免守株待



兔且道總不恁麼作麼生行履試舉看
舉長慶有時云寧說阿羅漢有三毒不說
如來有二種語不道如來無語只是無二
種語保福云作麼生是如來語慶云聾人
爭得聞保福云情知你向第二頭道慶云
作麼生是如來語保福云喫茶去

頭今第一第二一龍不鑿止水無處有
月波澄有處無風浪起稜禪客稜禪客
三月禹門遭點額

舉趙州示衆三轉語

泥佛不渡水神光照天地立雪如未休
何人不雕偽 又頌金佛不渡爐人來
訪紫胡牌中數箇字清風何處無
又頌木佛不渡火常思破竈隨杖子忽
擊著方知辜負我

垂示云拈一放一未是作家舉一明一猶
乖宗旨直得大地陡變四方絕唱雷奔電
馳雲行雨驟傾湫倒嶽甕瀉盆傾也未提

碧岩集素本卷一
五十五



得一半在還有解轉天関能移地軸底麼
試舉看

舉金剛經云若爲人輕賤是人先世罪業
應隨惡道以今世人輕賤故先世罪業則
爲消滅

明珠在掌有功者賞胡漢不來全無伎
倆伎倆既無波旬失途瞿曇於此識我
也無復云勘破了也

垂示云一夏勞勞打葛藤幾乎絆倒五湖

僧金剛寶劍當頭截始覺從來百不能且
道作麼生是金剛寶劍上眉毛試請露
鋒銖看

舉天平和尚行脚時參西院常云莫道會
佛法有箇舉話人也無一日西院遇見召
云從漪平舉頭西院云錯平行三兩步西
院又云錯平近前西院云適來這兩錯是
西院錯是上座錯平云從漪錯西院云錯
平休去西院云且在這裏過及待共上座

商量這兩錯平當時便行後住院謂眾云
我當行脚時被業風吹到思明長老處
連下兩錯更留我過夏待共我商量我不
道恁麼時錯我發心向南方去時早知道
錯了也

禪家流愛輕薄蒲肚參來用不著堪悲
堪笑天下老却謂當初悔行脚錯六西
院清風頓錯鑠復云忽有箇衲僧出云
錯雪竇錯何似天平錯

五

垂示云龍吟霧起虎嘯風生出世宗猷金
玉相振通方作略箭鋒相拄徧界不藏遠
近齊彰古今明辨且道是什麼人境界試
舉看

舉肅宗帝問忠國師如何是十身調御國
師云檀越蹈毗盧頂上行帝云寡人不曾
國師云莫認自己清淨法身

一國之師亦強名南陽獨許振嘉聲大
唐扶得真天子曾蹈毗盧頂上行鐵鎚

擊碎黃金骨天地之間更何物三千刹
海夜沈沈不知誰入蒼龍窟

垂示云收因結果盡始盡終對面無私元
不曾說忽有箇出來道「友請益爲什麼
不曾說待你悟來向徐道且道爲復是常
面諱却爲復別有長處試舉看

舉僧問巴陵如何是吹毛劍陵云珊瑚枝
枝撐著月

要平不平大巧若拙或指或掌倚天照

雪大冷今磨龍不下良工今拂拭未敢
別別珊瑚枝枝撐著月

雪大冷今磨龍不下良工今拂拭未敢
別別珊瑚枝枝撐著月



音釋

第四則 **瓠** 龍都切 第四十六則 **洎** 巨

切及 第四十八則 **裊** 枯木根切 第五十二則

也 第五十七則 **匣** 音舍夜切 第六十則

曝 音僕日乾也 通作 第六十三則 **頤** 普禾

也 音 第六十四則 **壑** 側六切 **盍** 克盍切 石

大 第七十六則 **厥** 齒兩切 馬 **駉** 側合切 第

奇 第七十七則 **壑** 反六切 第七十九則 **冢** 都木

也 **洩** 古活切 第八十一則 **壘** 音 **隘** 音耕切

視 **法** 祛遊立仰二 第八十七則 **滔** 澄之切

也 第八十八則 **睽** 持陵切 怒 **吠** 去仰切 鬼 **匡**


持 第八十八則 **睽** 持陵切 怒 **吠** 去仰切 鬼 **匡**

室 第九則 **盍** 於蓋切 塵 第九十六則 **皖** 戶版

見 第九十八則 **滴** 於宜切 第一百則 **毗** 蟬

音毗

Handwritten notes in seal script, including the characters '音毗' and '見'.



五ノ三

六ノ

寶曆六丙子

寶曆六丙子其末下

泉藏寺

什寶

安國小徒

安國小徒相鳳的


延寶六戊午曆

河南四郎右衛門



国立国会図書館 請求記号 188.84-Ko547h
タイトル『碧岩集素本1巻』

ガラス使用



国立国会図書館 請求記号 188.84-Ko547h
タイトル『碧岩集素本1巻』

ガラス使用